

ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՌ ՍՈՒՐԲ ԷԶՄԻԱԾՆՈՒՄ

Դեկտեմբերի 3-ին Մայր Աթոռ Սուրբ Էջմիածնում կատարվեց քահանայական ձեռնադրություն: Հընթացս Ս. Պատարագի, ձեռամբ Գերաշնորհ Ս. Անուշավան եպիսկոպոս Ժամկոչյանի, Գևորգյան Հոգևոր Ճեմարանի և Քահանայից լսարանի շրջանավարտ չորս սարկավագներ ստացան քահանայական ձեռնադրություն: Ձեռնադրող Սրբազան Հայրը նորընծա քահանաներին վերանվանեց հոգևոր նոր անուններով. Նվեր սրկ. Մելքումյանը կոչվեց Ս. Ահարոն, Արկադի սրկ. Օրդոյանը՝ Ս. Արարատ, Ներսես սրկ. Սարգսյանը՝ Ս. Մարկոս, և Սևակ սրկ. Գալստյանը՝ Ս. Փառեն:

Ձեռնադրությունից հետո Անուշավան Սրբազանը նախ գոհություն հայտնեց, որ Հայաստանյայց Առաքելական Եկեղեցու հոգևոր դասը համալրելու են գալիս չորս նորընծա քահանաներ, ապա դիմելով վերջիններին՝ անդրադարձավ հոգևոր հովվի առաքելությանը. «Միբեյի նորած Հայրեր, աստվածային Խոսքի մշակներ լինելը սոսկ բառերով չի սահմանափակվում. այն իր մեջ որքան քաղցրություն և ուրախություն ունի, այնքան էլ՝ դառնություն և դժվարություն: Քրիստոսի առաքյալ դառնալը միայն այս պահով չի սահմանափակվում և միայն օծում ստանալով չի որոշվում: Դուք ձեր ողջ կյանքի ու ծառայության ընթացքում պետք է դառնաք արժանի քարոզիչն ու մշակը, արժանի առաքյալն ու սպասավորը մեր Եկեղեցու և ժողովրդի» (տե՛ս էջ 27):

Ս. Պատարագի ընթացքին խորան բարձրացան և նորընծա քահանաներին շնորհավորեցին նաև Մայր Աթոռի միաբանները:

Մայր Աթոռում իրենց քառասնօրյա պահեցողության շրջանն ավարտելուց հետո, Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսի բարձր տնօրինությամբ քահանա Հայրերը հովվական ծառայության կկոչվեն Հայ Եկեղեցու տարբեր թեմերում:

*ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*

Տ. ԱՀԱՐՈՆ ՔԱՀԱՆԱ ՄԵԼՔՈՒՄՅԱՆ

(Ավագանի անունը՝ Նվեր)

Ծնվել է 1974 թ. հունվարի 8-ին Սիսիան քաղաքում:

1981-1991 թթ. սովորել է տեղի միջնակարգ դպրոցում:

1999-2002 թթ. Սիսիանում և շրջակա գյուղերում դասավանդել է կրոնի պատմություն:

2002-2004 թթ. սովորել և ավարտել է քահանայից լսարանի ամբողջական դասընթացը:

2004 թվականից ծառայում է Սիսիանի Ս. Հովհաննես եկեղեցում:

2004 թ. հոկտեմբերի 3-ին, ձեռամբ Տ. Նավասարդ եպիսկոպոս Կճոյանի, ձեռնադրվել է սարկավագ:

2006 թ. դեկտեմբերի 4-ին, ձեռամբ Գերաշնորհ Տ. Անուշավան եպիսկոպոս Ժամկոչյանի, ձեռնադրվել է ամուսնացյալ քահանա:

Տ. ԱՐԱՐԱՏ ՔԱՀԱՆԱ ՕՐԴՈՅԱՆ

(Ավագանի անունը՝ Արկադի)

Ծնվել է 1981 թ. նոյեմբերի 20-ին Մասիս քաղաքում:

1988-1998 թթ. սովորել է տեղի թիվ 5 միջնակարգ դպրոցում:

1998-2004 թթ. սովորել է Ս. Էջմիածնի Գևորգյան Հոգևոր Ճեմարանում:

2004 թ. օգոստոսի 16-ին նշանակվել է ՔԴԿ-ում որպես գործավար քարտուղար:

2004 թ. դեկտեմբերի 25-ին՝ Ս. Ստեփաննոս Նախասարկավագի տոնին, ձեռամբ Տ. Եզրաս եպիսկոպոս Ներսիսյանի, ձեռնադրվել է սարկավագ:

2005 թ. հոկտեմբերից գործավար-քարտուղար է նշանակվել Մայր Աթոռ Ս. Էջմիածնի կադրերի բաժնում:

2006 թ. ապրիլից աշխատում է տնտեսական բաժնում:

2006 թ. դեկտեմբերի 4-ին, ձեռամբ Գերաշնորհ Տ. Անուշավան եպիսկոպոս Ժամկոչյանի, ձեռնադրվել է ամուսնացյալ քահանա:

Տ. ՄԱՐԿՈՍ ՔԱՀԱՆԱ ՄԱՐԳՍՅԱՆ

(Ավագանի անունը՝ Ներսէս)

Ծնվել է 1982 թ. փետրվարի 24-ին Մասիս քաղաքում:

1988-1998 թթ. սովորել է տեղի թիվ 6 միջնակարգ դպրոցում:

1999-2003 թթ. ուսանել է Սևանի Վազգենյան Հոգևոր Դպրանոցում:

2003-2005 թթ. սովորել է Ս. Էջմիածնի Գևորգյան Հոգևոր Ճեմարանում:

2004 թ. դեկտեմբերի 25-ին՝ Ս. Ստեփաննոս Նախասարկավագի տոնին, ձեռամբ Տ. Եզրաս եպիսկոպոս Ներսիսյանի, ձեռնադրվել է սարկավագ:

2005 թ. սեպտեմբերից վերակացու է նշանակվել Գևորգյան Հոգևոր Ճեմարանում:

2006 թ. մարտի 15-ին ավարտաճառ է պաշտպանել «Հոգևորականությունը XIX դ. վերջի և XX դ. սկզբի հայ ազատագրական պայքարի քառուղիներում» թեմայով:

2006 թ. ապրիլին գորակոչվել և ծառայում է ՀՀ Զինված ուժերում:

2006 թ. դեկտեմբերի 4-ին, ձեռամբ Գերաշնորհ Տ. Անուշավան եպիսկոպոս Ժամկոչյանի, ձեռնադրվել է ամուսնացյալ քահանա:

Տ. ՓԱՌԵՆ ՔԱՀԱՆԱ ԳԱԼՍՅԱՆ

(Ավագանի անունը՝ Սևակ)

Ծնվել է 1979 թ. սեպտեմբերի 3-ին Վեդի քաղաքում:

1986-1996 թթ. սովորել է տեղի թիվ 2 միջնակարգ դպրոցում:

1996-1997 թթ. ուսանել է Սևանի Վազգենյան Հոգևոր Դպրանոցում:

1997-2000 թթ. ուսանել է Գյումրիի Հոգևոր Ընծայարանում:

2000-2006 թթ. ուսումնառությունը շարունակել է Ս. Էջմիածնի Գևորգյան Հոգևոր Ճեմարանում:

2006 թ. փետրվարի 23-ին՝ Սրբոց Վարդանանց տոնին, Ս. Էջմիածնի Մայր Տաճարում ձեռնադրվել է սարկավագ՝ ձեռամբ Գերաշնորհ Տ. Ներսես արքեպիսկոպոս Պողոսյանի:

2006 թ. սեպտեմբերի 28-ին ավարտաճառ է պաշտպանել «Հայոց նախաքրիստոնեական հավատալիքները, կրոնն ու պաշտամունքը քրիստոնեության ընդունման նախօրեին և դրանց վերապրուկները ժողովրդի մեջ» թեմայով:

2006 թ. մարտից աշխատում է Վեհարանում որպես գործավար քարտուղար:

2006 թ. դեկտեմբերի 4-ին, ձեռամբ Գերաշնորհ Տ. Անուշավան եպիսկոպոս Ժամկոչյանի, ձեռնադրվել է ամուսնացյալ քահանա:



ՔԱՆԱԿԱՅԱՐԱՆ ԶԵՆԱԴԱՐԱՆՈՒԹՅԱՆ ԸՆԴԱՏԵՐՈՒՄ
«ՆԱԳԱՐԱՐԱՆ»



ՆԱԴԻՐՈՅ ԲԱՆԱԴԱՆԵՐՈՆ Է ԴԱՄՈՒՄ ՉԵՆԱԴԱՐՈՂ ՄԵՐԱՋՈՂԸ՝
ԴԱՐՁՄԱՆ ԴՈՒՍՈՒՄԻՆ ԿԵՆԱԿՈՒՄ ԺԱՄԻԿՈՅԵՐԸ